

# He Puna Kōrero

Wahanga 1 Wiki 1—2

Pānui 1 - Hoata o Huitānguru 2022

## **2022—Ngā Tamariki Hou**

Wehi nā! I pōhiritia te tokowaru o ngā tamariki hou i tēnei wiki. Ko te nuinga he pīpī paopao. Nō Ngai Tūhoe, nō Te Aitanga ā Māhaki a Tū-Takangahau Tamatea. Ko Allen rāua ko Taria ōna mātua. He raukura a Taria o Ngā Mokopuna. I haere mai a Tu-Takahanga i te kohanga reo o Muturangi i Awakairangi.

Nō Ngāti Kahungunu, nō Rangitāne, nō Ngā Rauru Ki Tahī a Hineoteata Nepe Apatu. He tuahine ki a Tahatūoterangi. He maha ōna whanaunga ki te kura. I haere mai a Hineoteata i te kohanga reo o Ngā Mokopuna.

Tokotoru ngā tamariki nō Te Kaahui Kohanga Reo. Nō Ngai Tūhoe, nō Ngāpuhi, nō te Whakatōhea, nō Ngāti Awa a Mihipaea MacDougall. He tuahine ki a Kahikatea, he teina ki a Hemaimatewai. No Ngāti Ranginui, nō Ngaiterangi a Kaia Beauchamp. Ko Lani rāua ko Scott ōna matua. A ko te tuatoru, ko Sienna Lourie. No Te Ati Awa. Ko Mel rāua ko Wiremu ōna mātua.

Ahako a i tipu ake a Maika Pohe-Hymers ki Te Kaahui, i te tau kua hori, i hoki atu tōna whānau ki tōna iwi o Te Atihaunui ā Pāpārangi. A, i kuraina i te kura Māori o Kokohuia. Kua hoki mai te whānau ki Pōneke.

Nō Ngati Porou, nō Ngāpuhi a Amiriaata rāua ko Kahumapera Graham-Watene. He maha o rāua whanaunga ki te kura. Ko Tanya te māmā, ko Harawene te pāpā. He raukura a Harawene o Nga Mokopuna. I kuraina rāua i kura o Te Ara Whānui engari kua tae mai rāua ki te kura o pāpā. He tau 2 a Kahumapera, a he tau 4 a Amiriaata.

I pohiri hoki mātou i ngā tamariki hou ki Wharekura, arā ko ngā tauira Tau 9. Ko Hoani Hohipa-Collins ratou ko Tutahi Haruru-Devonshire, ko Hawea Austin hoki. Katahi te pai o te rā tuatahi o te kura.



Nga tokorua o runga—ko Sienna raua ko Kaia.

Ko Amiriaata.



Ko Tū-Takangahau.

Ko Mihipaea.


Ko Maika.

Ko Hineoteata.



Ko Kahumapera

**Ngā Wāhanga Kura 2021**

**Wāhanga 1: 3/2/21-16/4/21 Wāhanga 2: 3/5/21-9/7/21 Wāhanga 3: 26/7/21-1/10/21 Wāhanga 4: 18/10/21-14/12/21**



*Karakia o te ata hapara*  
2.2.22



## Te Ira Tangata: 1.1—1.10

Rā o te Wiki	Rā Timata	Wā Timata	Rā mutu	Wā Mutu	Te Mahi	He Whakamārama
Rāpare	10.02.2022		3.15pm	4.30pm	Poiuka—U9 / U11	Parakitihi ai ki te kura ia Rāpare, ia Rāpare U9: 3.15—3.45pm (DS.BB) U11: 3.45—4.30pm (DS)
Rāmere	11.02.2022		3.30pm	5pm	Poiuka - U13—Tama / Kotiro	U13: 3.45—5pm (DS)
Rātū	15.02.2022		1pm	3pm	Kaukau	Kura Katoa ki te puna kaukau—ia Rātū
Rātū	15.02.2022		5pm	7pm	Hui whānau Wharekura	Hui ngatahi
Rāapa	23.02.2022		3pm	6pm	Uiui Matua	◆ Kopuapua Teina ◆ Taiohi / Taiohi teina / Taiohi Tuākana
Rāpare	24.02.2022		4pm	6pm	Whānau whanui	◆ Hui a-tau: 4-6pm hui humi
Rāpare	24.02.2022		4.45pm	6pm	Noho a Kohungahunga mā	◆ Hui a-tau: 4-6pm hui humi
Rāmere	18.03.2022				Rā Kaiako: Hui a rohe	Hui ai ngā kura Aho Matua ā-rohe ki TKKM o Mana Tamariki
Rāmere Rāhoroi	18— 19.03.2022				Whakarauora Reo	Nau mai haere mai e te Whānau whānui

Nō te paetukutuku o te kura tēnei maramataka.

Ka whakahoutia te maramataka i ngā wā katoa. Tēnā koa tirohia ki tāua wharangi.

<http://www.tkkmmokopuna.school.nz/kokonga-whanau/maramataka/>

### **Kaupapa kē atu:**

- \* **Akomanga rawa:** Please contact your kaiako for your tamaiti stationary list.
- \* **Kura Transport:** Our kura bus has arrived from Auckland. In the following few weeks, kura whānau requesting transport assistance on the kura vehicle will be required to complete the request / tono. The kura will do its best to accommodate to parents request — there are no guarantees.
- \* **Pepa Whakaae:** Please ensure that your tamaiti returns pepa whakaae signed to kura.
- \* **Kutu:** These pest have returned to kura. Please ensure that you regularly check and clean your tamaiti hair.
- \* **Absenteeism:** If your tamaiti will not be attending kura, please contact / email the kura and the kaiako.

# Ngā Kākahu Kura

Arā noa atu ngā painga o ngā kākahu kura ki roto i ngā kura, otirā ki roto i ngā momo rōpū maha. He whakaatu i tō tūhonotanga ki tētahi kaupapa, ā, he whakaatu i tō tātou mahi tahi kia tutuki taua kaupapa.

Nō reira, e tika ana kia tae rite mai ngā ākonga ki te whakamau i ngā kākahu kura e tika ana i ia rā. E whai ake nei ngā kākahu kura e tika ana:

Kura Tuatahi			
<p><b>Hāte Kura</b></p> 	<p><b>Poraka Kura</b></p> 	<p><b>Koti Kura</b></p> 	<p><b>Tōkena Pango</b></p> 
<p><b>Tarau Poto Ōrangiuuru</b></p> 	<p><b>Tarau Roa Ōrangiuuru</b></p> 	<p><b>Hū pango</b></p> 	<p><b>Hū Pāraepare pango</b></p> 

**Kakahu kura:** Mēnā kei te hia hoko kakahu kura, kakahu hākinakina rānei, tuku atu tō tonono ki te tari: [tari@tkmmokopuna.school.nz](mailto:tari@tkmmokopuna.school.nz).

## Kakahū Hākinakina Hou

Tēnā koutou e te whānau, tokoiti tonu ngā whānau i tonoa mai ki te hoki kākāhū hākinakina mō

### **Tihāte hākinakina**

Size 2-16

\$20 + \$8.50

(ingoa - tuatahi, ingoa whānau, karekau rānei)



### **Tarau poto (sublimated)**

\$45 each



### **Hoodies Tamariki:**

\$35 + \$8:50 (ingoa tuatahi, ingoa whānau rānei)

### **Hoodies Pakeke:**

\$45 + \$8:50 (ingoa tuatahi, ingoa whānau, karekau rānei)



# Ngā Waiata o te wiki tuatahi 2022

## Tahi mano

Tahi mano, waru rau,  
wha tekau  
te hainatanga i te Tiriti o Waitangi  
hei kaitiaki i nga rawa o te iwi Maori  
na te Kuini, Wikitoria, te kawanatanga  
te tino rangatiratanga ki te tangata whenua

Matekite a tauwi  
he oranga te Tiriti  
ka huringia e Wiremu  
Ka rere ke nga tikanga

Ka whakahonoretia e tauwi  
ko nga mahi tino kino rawa  
he raupatu, he muru whenua hoki

ka pouri, ka pakanga  
aue te mamae

Ahako tenei, tena whakamarama  
kia mau ki a tatou  
te rongomau  
te rongomau  
te rongomau  
Te mana, te ihi, te wehi e!

## Te Mātauranga o te Pākehā

Te mātauranga o te Pākehā  
he mea whakatō hei tinanatanga  
Mō wai ra?  
Mō Hātana!  
Kia tūpato i ngā whakawai  
Kia kaha ra! (x2)

Te mātauranga o te Pākehā  
Patipati a ka muru whenua  
Kia kaha rā, e hoa mā  
Ka mutu anō te tānga manawa  
Ōranga (a ōranga)

Te mātauranga o te Pākehā  
Ka tuari i te penihana oranga  
Hei aha rā?  
Hei patu mahara, patu tikanga a Māori e,  
A Māori e, a Māori e!

## Te Pao

Nā Wiremu Hopihona te kāwana i whakarite kia hainatia  
te Tiriti

Ko te ūpoko ko te tuatahi  
Ko ngā rangatira o te whakaminenga  
Me ngā rangatira katoa kihai i uru  
Ki taua whakaminenga  
Ka tuku rawa atu ki te Kuini  
O Ingarangi ake tonu atu  
Te Kāwanatanga katoa  
O ō rātou whenua a a a

Ko te tuarua  
Ko te Kuini o Ingarangi  
Ka whakarite ka whakaae ki ngā rangatira  
Te tino rangatiratanga, o ō rātou whenua  
O ō rātou kāinga  
Me ō rātou taonga katoa  
E ee engari ngā rangatira  
Ka tuku atu ki te Kuini o Ingarangi  
Te mana hoko whenua  
Ho ho ho hoko whenua

Ko te tuatoru ko te kii  
Mā te Kuini o Ingarangi  
E tiaki kia rite tahi  
Te iwi Māori me Tauwi

E ee kii! Mā te Kuini o Ingarangi  
Tātou te iwi Māori  
E whakarite ki te iwi o Ingarangi  
I i i Ingarangi.

Ngā Wāhanga Kura 2022

[Wāhanga 1: 02.2.22-14.04.22](#)

[Wāhanga 2: 3.5.22—9.7.22](#)

[Wāhanga 3: 26.7.22—1.10.22](#)

[Wāhanga 4: 18.10.22—14.12.22](#)